

**BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINA JAJCE**

***Komisija za raspodjelu sredstava
za poticaj samozapošljavanja za 2017.godinu***

Broj: 02- 14 - 89 /17
Jajce; 11.01.2017.godine

Na osnovu Programa i kriterija za samozapošljavanje („ Službene novine Općine Jajce “, broj 01/15 i 06/15), Komisija za raspodjelu sredstava za poticaj samozapošljavanja za 2017.godinu, objavljuje

**JAVNI POZIV
za prijavu kandidata za Grant za samozapošljavanje u 2017 .godini**

Pozivaju se zainteresovani kandidati da se prijave za Grant za samozapošljavanje a u skladu sa Programom i kriterijima za samozapošljavanje („Službene novine Općine Jajce “, broj 01/15 i 06/15) za 2017.godinu.

Poticajne mjere

Programom sufinansiranja samozapošljavanja je predviđeno da se sufinansira samozapošljavanje ciljne grupe nezaposlenih osoba u poljoprivredi i malom biznisu, s ciljem potpore poljoprivredi i ruralnom razvoju, kao i razvoju malih preduzeća.

Samozapošljavanje u poljoprivredi i malom biznisu podrazumijeva poticajna sredstva za registraciju poljoprivrednih gazdinstava ili malog biznisa za nezaposlene osobe koje imaju osnovne pretpostavke za bavljenje istim. Nezaposlena osoba se obavezuje da će samostalnu djelatnost obavljati najmanje 12 mjeseci, izvršiti prijavu na obavezna osiguranja: penzijsko-invalidsko, zdravstveno i osiguranje od nezaposlenosti.

Za tu namjenu predviđena su bespovratna finansijska sredstva i to u iznosu od 3.500,00 KM u oblasti poljoprivrede i kandidati koji pokreću obrtničku djelatnost sufinansiraju se iznosom od 5.000,00 KM.

Zainteresovani kandidati se prijavljuju na propisanom obrascu – Prijava kandidata na Grant za samozapošljavanje u 2017.godini (obrazac se može preuzeti u Šalter sali Općine – info pult) a predaje se na protokolu općine Jajce.

Pored popunjenog obrasca kandidati su u obavezi dostaviti i dokaze iz člana 6. Programa i kriterija za samozapošljavanje, i to:

- dokaz da u protekle dvije godine nije koristio/la sredstva za samozapošljavanje iz podsticajnih mjera Federalnog zavoda za zapošljavanje ili drugih institucija (Zavod za zapošljavanje, Izjava),
- kopiju CIPS lične karte i prijava mjesta boravka,
- dokaz o radnom stažu ili fotokopija radne knjižice,

Nepotpune i neblagovremene prijave neće se uzeti u razmatranje.

Javni poziv ostaje otvoren 10 dana od dana objavljivanja na oglasnoj ploči općine Jajce i službenoj stranici općine Jajce.

USLOVI KOJE KANDIDAT TREBA DA ISPUNJAVA:

- da je državljanin Bosne i Hercegovine
- da imaju prijavljeno prebivalište na području Općine Jajce,
- da imaju odgovarajući stupanj/stepen stručne spreme,
- da se nalaze na evidenciji Zavoda za zapošljavanje,

Izbor kandidata će se vršiti na osnovu Kriterija za bodovanje koji se nalaze na poleđini prijavnog obrasca.

Bodovanje i utvrđivanje rang liste kandidata vršit će Komisija za poticaj samozapošljavanja.

PREDSJEDNIK KOMISIJE

Senad Dizdar